



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 42. De comitis Thuringi traditione bonorum in villis Chirsenbruege et Nienthorpe in pago Derlingo.

**urn:nbn:de:hbz:466:1-36114**

Ab anno mine heio testef folcuuer dudil ofic reinheri alfbern thancred item tancred  
826 vsq; folcher ciluuard.  
853 im-  
perante  
Hludo-  
uico et

## §. 42.

Tradidit *thuring comes* (P) quidquid habuit in *chirfenbruce* (Q) et in *nienthorpe* (R) cum hominibus ibidem manentibus ea tamen ratione ut quamdiu uixerit ipse possideat post cuius obitum si uxor ipsius eum superuixerit et in uiduitate permanere uoluerit ipsa etiam usque ad obitum suum possideat si autem maritauerit statim ad monasterium reuertatur hereditas testef *inmed* (S) *ofdac* (T) radulf dodo ifi alfuuard idi folcrid retheri uiiching

De comite Thuringo, et villis Chirfenbruce et Nienthorpe.

(P) (Q) (R) Vt hunc *comitem Thuringum* eo curatius noscamus, necesse est, prius villas, e quibus ipse nostrae Corbeiae hereditatem suam tradidit, explanemus. Hunc autem locum agere de hereditate huius comitis *Thuringi*, ex §. 140. in quo haec traditio significatur denuo, omnino discimus. Inde non sine ratione colligimus, hunc comitem *Thuringum* plura alia bona in eadem regione, in qua haec donata exstiterit, ex eadem hereditate accepisse et possedisse. Fuisse autem eandem hereditatem ducis Ostfalorum *Asig*, infra §. 104. demonstrabimus. Inquiramus igitur oportet in situm villarum *Chirfenbruce* et *Nienthorpe*, ut manifestum fiat, in quam prouincia hic comes suam hereditatem habuerit. Si ergo animum nostrum ad villam *Chirfenbruce* reuocamus, nomen ei inditum a ponte videtur: *Bruce* enim idem est ac *Brücke*, latine *pons*. Ex eo non inepte colligitur, hanc villam ad flumen quoddam exstuisse. Cur enim pontem facere necesse erat, si haec villula non ad fluuium quendam steterit? Si itaque ad flumen *Ouacram*, hodie dictum *die Ocker*, haud procul ab vrbe *Wolffenbuttela* vicus *Kissenbrück* reperitur, eundem esse *Chirfenbruce* non inconuenienter quis perhibere possit. Vt hoc eo probabilius reddamus, prouocamus partim ad *Registrum* nostrum, in quo haec villa in pago *Derlingo* collocatur, partim ad villam *Nienthorpe* in eodem pago obuam, quae sine dubio vico *Chirfenbruce* adiacens villa fuit. Intelligimus ergo per hanc vel *Neindorp* villam propinquam, vel *Neindorp*, villam desolatam, in agris *Scheppenstedensibus* quondam conspicuam in loco dicto *das Neindorpsfeld*. Sane illa regio, in qua haec villa fuisse, quondam pagus *Derlingi* appellata est. *Comes* itaque *Thuring* vel in pago *Derlingi* tempore imperatoris *Ludouici pii* comitatum suum habuit, vel praedia quaedam in eo possedit. Probabiliter ab eo nomen suum accepisse existimantur villae *Thuringeshuti* et *Thuringerode*. Id quod longe verosimilius est, quam sine ullo testimonio antiquorum cum beato *Lauensteinio* perhibere, *Thuringos* olim has regiones coluisse, quia locus, qui *Duringerode* appellatur, in iis reperitur. Sed, his remotis, intermittere non possumus, quin adhuc quaedam, sed meras coniecturas nostras, eruditibus fortasse non ingratas, de villa *Chirfenbruce* addamus. Antiquissimis temporibus, in primis aetate *Cornelii Taciti*, summi apud Romanos Historici, has regiones *Cberuscos* possedisse, in nostra *Historia Corbeiensi* demonstraui. An itaque nomen *Chirfenbruce* idem est, quod *cheruscorum pons*? Neque plane absolum, neque valde improbabile pronuntiatum id erit. Sane neque *Wolferbuttela* neque *Brunsvici*, tempore imperatoris *Ludouici I.* pontem fuisse super *Ouacra*, asserendum est, quia id omnes tacent annales. Adde quod iis temporibus nec *Wolferbuttela* nec *Brunsvicum* vrbes exstiterunt; sed castella *Asséborg*, *Alaburc* et *Hebeshem* praecipua loca fuisse in eo ad *Obacram* tractu.

De comite Immodo.

(S) De comite *Immodo* vide supra §. 4. not. (h). Hic comitatum suum habuit in pagis *Hardego* et *Falhen*. Hic inter testes reperitur. Id quod nostram assertionem, qua per *Chirfenbruce* et *Nienthorpe*, *Kissenbrück* et *Neindorp* haud procul sitam debere intelligi, eo probabilior reddit.

De Osidaco.

(T) Infra §. 104. quidam *Osdac* inter consanguineos abbatis *Corbeiensis Warini*, et ducis *Luidolfi* refertur. An is idem sit atque hic, certo affirmare non possumus. Interim vide §. 44. not. (w) et infra §. 284, ubi inter *Billiganos* eum retulimus.

uuiching hilduin liutger althard uuulfric ricmund redfrid uuicbert (U) badered uualdric fiiuan.

gubernante Corbeiam Waringo.

§. 43.

Tradidit hrodulfus in bochem (V) mansum unum testef uuulferi folcuuard grinheri hunnuard folcheri feriger bedic uuidugo hemmo cilbold.

§. 44.

Tradidit ofdag (W) in uilla uualdisleif (X) similiter uiginti et quatuor homines quorum ista sunt nomina ofdag halecbern thiadulf ofuuig meindag foduuert tutto landuerec et fratres eius fridugert ofiner germer uuilhund bruni elli adalger othret bosuc alfred uuicred brunger et fratres eius adalger berenger thiadger testef tudo hiduini uuichern reinhern io cirbert tadil uuilram fridugert.

§. 45.

Tradidit arnulf in pago abugo (Y) in uilla oadnothesbus (Z) mansos II et iurnales VI pro se et fratribus suis testef arnulf arinold alculf maccula folcold kedi riculf bennica.

§. 46.

Tradidit andger in uualdgeresleuo (a) quidquid habuit testef marcuuard deddo rothat hrothard uuerin.

§. 47.

- (U) *Wicbert* an filius *Widekindi* M. fraterque *Immadi* comitis fuerit, iudicent alii. De *Wicberto*.  
Fortassis *Immadius*, filius *Widekindi* naru maximus, ipse fuit. De villa
- (V) De villa *Bochem*, in pago *Nethga* obuia, vide infra §. 98. De villa Bochem.
- (W) De *Osdago* vide supra §. 42. not. (T). Eum prapotentem virum fuisse, ex hac traditione quoque apparet, quippe qui tam multos homines proprios elargiri potuit, quorum tamen multos sine dubio ipse sibi retinuit atque referuauit. De *Osdago*.
- (X) De villa *Waldisleif* iam supra §. 28. egimus, ad quem curiosum lectorem remittimus, qui ibi docetur, eandem villam in pago *Northsburingi* quondam existisse. Id ipsum comprobatur nostro Registro saepe iam excitato. De villa Waldisleif.
- (Y) (Z) Quanam in regione pagus *Abugo* sit constituendus, nos ignorare fatemur. D. Editor *Originum Pyrmont*. p. 13. seq. eundem pagum in regione *Wiseræ*, ubi praefectura *Forst* est sita, videtur collocare. Sed in terra ibidem obuia nullus restat locus, in quem poni possit pagus, nisi, hunc in aere versatili locandum esse, crediderimus. Cum enim pagus *Logne* ad *Wiseram* usque, et ad locum *Bodenfelde* procurrebat; ibidem vero pagus *Auga* in villa *Wirjesi*, hodie *Wirjesen*, e regione *Heristalli* Saxonici, quod *Vifurgis* tantum diuidit a *Wirjesi* villa, rursus habebat initium, et ex hac parte *Vifurgis* in *Sollingano* saltu descende-  
bat usque ad villam *Illisam*, villam desolatam intra *Solingum* in loco dicto adhuc *die Ilfen*- seu *Ilfchengrund*: porro in eodem tractu ad villam *Sunderessan* intra campum *Bruckenfeld* in loco dicto *Sunderen*, et deinde (vt alias taceamus) villam *Aldenthorp* ad *Holtzmindam* oppidum, et septentrionem versus *Varstan*, id est, praefecturam *Forst* eodem in pago *Auga* inuenimus, nullus locus reliquus est, in quo pagus *Abugo* sit collocandus. Versus meridiem enim, si haec regiones a stante in ipso monasterio *Corbeia* prospiciuntur, erat pagus *Suilbergi* in comitatu *Dasseliensi* et saltu *Sollingano*, versus orientem autem pagus *Wikanauolde* in praefectura *Wickensen*, quippe in quo fuerunt *Ngunburni* (*Negenborn*), *Aldantborpe* (*Stadt Oldendorp*), *Aschereshusen* (*Eschershusen*), et *Goldbiki* (*Golmbach*), iter dimidiae horae ab *Amelunchsborn* monasterio distans, a monasterio *Corbeia* vero tantum duo millia. Discedamus ergo in praesentiarum ab *Abugo* pago, alio tempore in situm eius studiose inquisitioni. Interim confer infra §. 208. not. (†). Mappas geographicas *Homannianas* vicina *Holtzmindae* loca vitiose exhibere, obiter indicamus.
- (a) *Waldgeresleuo* villa a quodam *Waldgero* denominata esse videtur, quis autem is fuerit De villa